

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Broj: 01-02-272/99.

Datum: 01.02.2000.

Z A P I S N I K

sa 16. sjednice Predstavničkog doma Parlamentarne skupštine
Bosne i Hercegovine

Šesnaesta sjednica Predstavničkog doma Parlamentarne skupštine Bosne i Hercegovine održana je u tri dijela – 12.01. 18.01. i 31.01-01.02. 2000. godine.

Prvom dijelu sjednice – (12. januara) prisustvovalo je 35 poslanika – iz Federacije BiH 22 iz Republike Srpske 13. Odsustvo sa sjednice najavili su: Ivo Mijačević i Ana Havel iz zdravstvenih razloga, Ljubomir Zovko, Adnan Jahić i Radenka Balta zbog službenog puta. Odsustvovao je i poslanik Safet Oručević, koji nije najavio izostanak.

Predsjedavajući mr Mirko Banjac upoznao je poslanike o prijedlogu dnevnog reda koji je usaglašen na sastanku Kolegija sa predstavnicima poslaničkih klubova.

U diskusiji povodom prijedloga dnevnog reda učestvovali su poslanici Nikola Špirić, Sejfudin Tokić, Edhem Bičakčić, Mirko Banjac, Branko Dokić, Rasim Kadić i Ibrahim Spahić.

Poslije rasprave o prijedlogu dnevnog reda predsjedavajući je sumirao prijedloge za dopunu dnevnog reda, pa je, uz konsultaciju sa predlagачima, zauzet stav da se na narednoj sjednici Dom izjasni o prijedlozima da se u dnevnog reda uvrste sljedeće tačke, iz razloga da se ispoštuje propisana procedura za razmatranje materijala:

- Informacija Predsjedništva BiH i Vijeća ministara BiH o učešću BiH u realizaciji Deklaracije Samita pakta za stabilnost u Jugoistočnoj Evropi, kao i Rezolucija Parlamentarne skupštine BiH o Paktu i angažovanju BiH u vezi sa radnim stolovima Pakta za stabilnost u Jugoistočnoj Evropi (predlagач Ibrahim Spahić).
- Informacija o broju izdatih pasoša i broju naturalizovanih državljana u periodu 1991-1999. godine,(N. Špirić – S.Tokić)
- Prijedlog zaključaka u vezi sa posjetom Hašima Tačija državnom i političkom rukovodstvu BiH,(predlagач N. Špirić)

Takodje su, na osnovu rasprave o prijedlogu dnevnog reda, zauzeti i sljedeći stavovi:

- da se nacrti zakona o sudu, o tužilaštvu, o pravobranilaštvu, o upravnim sporovima i o važnosti javnih isprava u BiH stave na dnevni red kada o njima Ustavno-pravna komisija dostavi mišljenja.

- da se dosadašnja stalna tačka dnevnog reda “poslanička pitanja “ preformuliše tako da glasi:”Odgovori na poslanička pitanja i pitanja poslanika”

- Nacrt zakona o trezoru institucija BiH odložen dok predlagač ne dostavi obrazloženje Nacrta zakon.

Pošto su usaglašeni prethodni stavovi, Predstavnički dom je za 16. sjednicu jednoglasno usvojio sljedeći

DNEVNI RED:

1. Davanje saglasnosti za ratifikaciju:
 - a) Sporazuma između Vijeća ministara Bosne i Hercegovine i Finnevere PLC, koji djeluje u ime državnog fonda za garancije o određenim komercijalnim kreditima, (potpisan 1.10.1999. u Sarajevu na engleskom jeziku);
 - b) Sporazuma o reprogramiranju 1998. između Vijeća ministara BiH i Ehpport Development Corporation, Canada, (potpisan 1.10.1999. u Sarajevu na engleskom jeziku);
 - c) Sporazuma I između Vijeća ministara BiH i Oesterreichische Kontrollbank Aktengesellschaft, Vienna/Austrija, u funkciji zastupnika Republike Austrije, (potpisan 11.6.1999. u Sarajevu na engleskom jeziku);
 - d) Sporazuma o reorganizaciji dugova između Vlade Francuske i Vlade BiH, (potpisan 6.7.1999. u Parizu na engleskom jeziku);
 - e) Bilateralnog Sporazuma između BiH i Compania Espanola se Seguros de Credito a la Ehportacion S.A. o reprogramiranju spoljnog duga Bosne i Hercegovine, (potpisan 4.10.1999. u Sarajevu na engleskom jeziku);
 - f) Sporazuma između Vlade Kraljevine Danske i Vijeća ministara Bosne i Hercegovine o konsolidaciji duga Bosne i Hercegovine prema Kraljevini Danskoj, (potpisan 19.11.1999. u Sarajevu na engleskom jeziku);
 - g) Odluke o ratifikaciji ukupnog duga Bosne i Hercegovine prema Kraljevini Norveškoj;
 - h) Sporazuma između Vijeća ministara BiH i Office National du Ducroire koji djeluje kao odgovarajuća institucija Kraljevine Belgije o konsolicaciji, oprostu i reprogramiranju određenih dugova (potpisan 14.7.1999. u Sarajevu na engleskom jeziku);
 - i) Sporazuma o reprogramiranju duga između Vijeća ministara BiH i Kraljevine Švedske, (potpisan 6.7.1999. u Sarajevu na engleskom jeziku);
 - j) Sporazuma između Vlade Bosne i Hercegovine i Vlade Savezne Republike Njemačke o preuzimanju, smanjenju i konsolidaciji spoljnih dugova Bosne i Hercegovine, (potpisan 10.9.1999. u Bonu na engleskom jeziku);
 - k) Sporazuma između Vlade Sjedinjenih Američkih Država i Vijeća ministara Bosne i Hercegovine o konsolidaciji, oprostu i reprogramiranju određenih dugova koji se duguje Vladi SAD-a ili njenim agencijama ili se garantuju ili osiguravaju od strane Vlade SAD-a ili njenih agencija (potpisan 19.8.1999. u Sarajevu na engleskom jeziku);
 - l) Sporazuma između Bosne i Hercegovine i Konfederacije Švajcarske o reprogramiranju duga Bosne i Hercegovine, (potpisan 24.9.1999. u Sarajevu na engleskom jeziku);
 - m) Trgovinskog sporazuma između Vijeća ministara BiH i Vlade Češke Republike (potpisan 22.5.1998. u Pragu na bos., srp., hrvatsk., engleskom i češkom jeziku);

- n) Sporazuma o poticanju i recipročnoj zaštiti investicija između BiH i Kraljevine Holandije (potpisan 13.5.1998. u Sarajevu na engleskom jeziku);
 - o) Sporazuma između BiH i Arapske Republike Egipat o poticanju i recipročnoj zaštiti investicija (potpisan 11.3.1998. na bos., arapskom i engleskom jeziku u Kairu);
 - p) Trgovinskog sporazuma između Vijeća ministara BiH i Vlade Arapske Republike Egipat (potpisan 11.3.1998. u Kairu);
 - r) Sporazuma o recipročnom unapređenju i zaštiti investicija između BiH i Vlade Države Katar (potpisan 1.6.1998. u Sarajevu na engleskom i arapskom jeziku).
2. Izvještaj Komisije - Kolegija o nastojanju za postizanje saglasnosti:
 - o Zakonu o graničnoj državnoj službi BiH,
 - o Zaključcima predlagača poslanika Nikole Špirića i Halida Genjca povodom razmatranja odgovora Centralne banke Bosne i Hercegovine,
 - Davanje saglasnosti za imenovanje glavnog revizora i zamjenika
 3. Izvještaj o izvršenju Budžeta institucija Bosne i Hercegovine i međunarodnih obaveza BiH za period januar-septembar 1999. godine;
 4. Nacrt Budžeta institucija Bosne i Hercegovine i međunarodnih obaveza BiH za 2000. godinu;
 5. Nacrt zakona o izvršenju Budžeta institucija Bosne i Hercegovine i međunarodnih obaveza BiH za 2000. godinu;
 6. Izvještaj o provedenoj javnoj raspravi i izjašnjavanje predlagača o nacrtima:
 - a) Izbornog zakona (predlagač delegat Drago Ljubičić),
 - b) Izbornog zakona (predlagač grupa poslanika SDP-a);
 7. Informacija o provedbi Zakona o carinskoj politici i tarifi za period 1.1. do 1.12.1999. godine;
 8. Prijedlog odluke o organizaciji Sekretarijata Parlamentarne skupštine BiH;
 9. Nacrt Poslovnika Predstavničkog doma Parlamentarne skupštine BiH;
 10. Prijedlog zakona o javnim ispravama Bosne i Hercegovine;
 11. Prijedlog zakona o izmjenama i dopunama Zakona o putnim ispravama Bosne i Hercegovine (predlagači: poslanici Sejfudin Tokić i Ivo Divković);
 12. Zakon o Vijeću ministara Bosne i Hercegovine:
 - a) Prijedlog zakona o Vijeću ministara BiH (predlagači: poslanici Sejfudin Tokić i Ivo Divković),
 - b) Prijedlog zakona o izmjenama i dopunama Zakona o Svjetu ministra BiH (predlagač: poslanik Vito Rakić),
 13. Zakon o praznicima i blagdanima BiH:
 - a) Prijedlog zakona o praznicima Bosne i Hercegovine (predlagači: Sejfudin Tokić i Ivo Divković);
 - b) Nacrt zakona o praznicima i blagdanima Bosne i Hercegovine;
 14. Nacrt zakona o postupku zaključivanja i izvršavanja međunarodnih ugovora;
 15. Poslanička pitanja.

Ad – 1: Davanje saglasnosti za ratifikaciju sporazuma od a) – r)

Jedinstveno su razmatrani svi sporazumi iz ove tačke dnevnog reda.

Mišljenje Komisije o ustavnim i pravnim pitanjima, Komisije za finansije i budžet i Komisije za međunarodna i spoljna pitanja podnijeli su Rasim Kadić, Nikola Špirić i Ivo Divković. .

Diskutovali su Edhem Bičakčić, Zlatko Lagumdžija, Branko Dokić, Suada Muminagić, ministar Mirsad Kurtović, Desanka Rađević i Nikola Špirić.

Poslije diskusije Predstavnički dom je jednoglasno usvojio Odluku o davanju saglasnosti na svih 17 razmatranih sporazuma.

Usvojen je zaključak da se nazivi institucija u svim sporazumima usklade sa ustavnim rješenjima.

U raspravi povodom sporazuma poslanik Lagumdžija je predložio da Dom usvoji zaključak da nadležno ministarstvo dostavi Domu informaciju o problemima vezanim za dug BiH prema Češkoj i njegovim reperkusijama na finansijski sistem Bosne i Hercegovine.

Povodom ovog prijedloga diskutovali su Vito Rakić, ministar Mirsad Kurtović, Edhem Bičakčić, Haris Silajdžić, a potom se dom o prijedlogu zaključka izjasnio.

Prijedlog zaključka nije usvojen (ZA je glaslo 11 poslanika, jedan je glasao protiv, a 20 je bilo uzdržanih).

Dalje je g. Halid Genjac predložio zaključak – da Predstavnički dom od Vijeća ministara i nadležnih ministarstava traži informaciju o stanju duga subjekata iz Bosne i Hercegovine prema Češkoj i načelnim rješavanjem tog problema.

Ovim povodom je diskutovao poslanik Sejfudin Tokić, a zatim i Ivo Divković, koji je dao sljedeći prijedlog zaključka - da Vijeće ministara zajedno sa vladama entiteta Federacije BiH i Republike Srpske, usaglasi načine i prijedloge vezane za reprogramiranje duga između Bosne i Hercegovine i Češke.

Nije usvojen ni jedan od predloženih zaključaka.

Prijedlog zaključka g. Genjca dobio je 12 glasova, a 18 je bilo uzdržanih.

Prijedlog g. Divkovića dobio je 5, a 25 poslanika se uzdržalo.

Ad – 2: Izvještaj Komisije Kolegija o nastojanju za postizanje saglasnosti:

- Zakonu o državnoj graničnoj službi BiH,
- Zaključcima predlagača poslanika Nikole Špirića i Halida Genjca povodom razmatranja Odgovora Centralne banke BiH i
- Davanje saglasnosti za imenovanje glavnog revizora i zamjenika

Povodom izvještaja diskutovali su Branko Dokić, Pero Skopljak, Mirko Banjac, predstavnik Predsjedništva BiH Martin Raguz, Tarik Čaršimamović, Miodrag Deretić, Nikola Špirić, Bogić Bogićević, Desanka Rađević, Sejfudin Tokić, Ibrahim Spahić, Suada Muminagić i Halid Genjac.

Poslije diskusije obavljeno je ponovno glasanje o Prijedlogu zakona o državnoj graničnoj službi.

ZA Prijedlog zakona glasalo je 19 od 30 prisutnih poslanika. Protiv je glasalo 10 poslanika.

Prilikom glasanja po entitetima, 10 poslanika iz Republike Srpske glasalo je protiv.

Predsjedavajući je konstatovao da Zakon nije prihvaćen.

Predsjedavajući je konstatovao da je Komisija Kolegija postigla saglasnost o oba zaključka koji su bili predmet usaglašavanja.

Što se tiče davanja saglasnosti za imenovanje glavnog revizora i zamjenika, predsjedavajući je upoznao poslanike da je Kolegij zauzeo stav da se o kandidatima za glavnog revizora i zamjenike glasa u paketu iz razloga što su kandidati iz tri konstitutivna naroda.

U diskusiji povodom ovog pitanja učestvovali su Nikola Špirić i Branko Dokić. Pošto je od strane poslanika osporeno izjašnjavanje o predloženim kandidatima u paketu,

na prijedlog Kolegija ova tačka je odložena radi daljih konsultacija sa Predsjedništvom BiH kao predlagačem.

Ad – 3: Izvještaj o izvršenju Budžeta institucija Bosne i Hercegovine i međunarodnih obaveza BiH za period januar-septembar 1999.

Predsjedavajući Komisije za finansije i Budžet, g. Nikola Špirić, podnio je izvještaj te komisije o razmatranju predmetnog izvještaja.

U diskusiji su učestvovali: Suada Muminagić, Zlatko Lagumdžija, ministar Marko Ašanin, zamjenik ministra Nudžeim Rečica, Ivo Divković, Suada Muminagić, Rasim Kadić, Nikola Špirić, Vito Rakić, potpredsjedavajući Vijeća Ministara Neven Tomić, Haris Silajdžić, Ibrahim Spahić, Branko Dokić, Mirko Banjac, Sejfudin Tokić, Hilmo Neimarlija, Mara Perkanović i Mustafa Pamuk.

Diskusija o Izvještaju o izvršenju Budžeta protekla je sa dosta replika i polemika. Poslije diskusije predsjedavajući je dao na glasanje Izvještaj, uz zaključak da se u skladu sa sugestijama i prijedlozima poslanika dopuni ovaj i sačini konačan izvještaj za 1999. godinu.

ZA Izvještaj sa predloženim zaključkom glasalo je 11 od 27 prisutnih poslanika. Protiv je glasalo 9, a 7 poslanika se uzdržalo. Prema tome, Izvještaj nije dobio potrebnu većinu prisutnih.

Ovom tačkom završen je prvi dio 16. sjednice Predstavničkog doma.

Drugi dio 16. sjednice održan je 18.01.2000. Sjednici su prisustvovala 34 poslanika. Odsustvovali su Ivo Mijačević, Tarik Čaršimamović, Safet Oručević, Ibrahim Spahić, Ana Havel, Ljubomir Zovko, Pero Skopljak, Munira Karić i Radenka Balta. Odsustvo, zbog bolesti, opravdali su Ivo Mijačević, Pero Skopljak i Ana Havel, a Ljubomir Zovko zbog službenog puta. Drugi odsutni poslanici svoje odsustvo nisu najavili niti pravdali.

Ad – 4: Nacrt budžeta institucija Bosne i Hercegovine i međunarodnih obaveza BiH za 2000 godinu

Nikola Špirić je podnio izvještaj Komisije za finansije i Budžet o razmatranju Nacrta budžeta, a izvještaj Komisije za ustavna i pravna pitanja podnio je Rasim Kadić. Diskutovali su Suada Muminagić, Nikola Špirić, Nedžad Branković, Zlatko Lagumdžija, Edhem Bičakčić, Mara Perkanović, Abdurahman Malkić, Vito Rakić, Rasim Kadić, Velimir Lovrić u ime predlagača, ministar Marko Ašanin i Sejfudin Tokić.

Poslije diskusije Predstavnički dom je prihvatio Nacrt budžeta institucija BiH i međunarodnih obaveza BiH u 2000. godini, pod uslovom da se primjedbe i sugestije poslanika ugrade u Prijedlog budžeta.

Za Nacrt budžeta i zaključak glasala su 24 poslanika, a 6 ih je bilo uzdržanih. Nacrt budžeta sa zaključkom dobio je i entitetsku većinu – iz FBiH 13, a iz RS 12 poslanika.

Ad – 5: Nacrt zakona o izvršenju budžeta institucija BiH i međunarodnih obaveza BiH za 2000.

Stav Komisije za finansije i budžet o Nacrtu zakona iznio je predsjedavajući Komisije Nikola Špirić.

U diskusiji su učestvovali Ivo Divković, Suada Muminagić, ministar Marko Ašanin i Nedžad Branković.

Nacrt zakona je prihvaćen uz zaključak da se primjedbe i sugestije poslanika iznesene u diskusiji ugrade u prijedlog zakona. Za Nacrt zakona uz zaključak glasalo je 25 poslanika, a 5 poslanika se uzdržalo.

Ad - 6: Izvještaj o provedenoj javnoj raspravi i izjašnjavanje predlagača o nacrtima:

- a) Izbornog zakona (predlagač Drago Ljubičić),
- b) Izbornog zakona (predlagači grupa poslanika SDP-a)

a) Nacrt izbornog zakona BiH (predlagač Drago Ljubičić)

U okviru ove podtačke uvodno izlaganje podnio je Drago Ljubičić u svojstvu predlagača.

U diskusiji su učestvovali: Zlatko Lagumdžija, Adnan Jahić, Rasim Kadić, Mara Perkanović, Miodrag Deretić, Sejfudin Tokić, Haris Silajdžić, Alma Čolo, Nikola Špirić, Suada Muminagić, Branko Dokić, Hilmo Neimarlija, Vito Rakić, Branislava Jovanović, Ivo Divković, Mirko Baković i Adnan Jahić.

b) Nacrt izbornog zakona BiH (predlagači grupa poslanika SDP-a)

U ime predlagača uvodno izlaganje podnio je Bogić Bogićević.

U diskusiji su učestvovali Hilmo Neimarlija, Miodrag Deretić, Sejfudin Tokić. Govorio je i gospodin Fransoa Moris, predsjedavajući ekspertske grupe za izradu Nacrta izbornog zakona predlagača Draga Ljubičića.

Poslije diskusije Predstavnički dom se, na prijedlog poslanika Zlatka Lagumdžije, izjasnio pojedinačnim glasanjem (prozivkom) o oba nacrta izbornog zakona. Predsjedavajući je na glasanje dao pitanje: **Ko je za to da Nacrt izbornog zakona ide u dalju proceduru kao osnova za izradu prijedloga zakona?**

a) Nacrt izbornog zakona BiH (predlagač Drago Ljubičić)

ZA Nacrt su glasali: Miodrag Deretić, Milenka Bošnjak, Branko Dokić, Branislava Jovanović, Vito Rakić, Mirko Banjac, Mara Perkanović, Desanka Rađević i Nikola Špirić.

PROTIV Nacrta zakona glasali su: Raifa Alagić, Alma Čolo, Halid Genjac, Adnan Jahić, Rasim Kadić, Mustafa Pamuk, Haris Silajdžić, Bogić Bogićević, Zlatko Lagumdžija, Suada Muminagić, Sejfudin Tokić, Ivica Pašalić, Anita Mikulić, Mirko Baković, Smail Bećirbašić i Abdurahman Malkić.

UZDRŽANI su bili: Nedžad Branković i Hilmo Neimarlija.

Predsjedavajući je konstatovao da je, od 27 prisutnih, ZA glasalo 9, PROTIV 16, a 2 poslanika su bili uzdržani.

b) Nacrt izbornog zakona BiH (predlagači grupa poslanika SDP)

ZA su glasali: Raifa Alagić, Nedžad Branković, Halid Genjac, Adnan Jahić, Rasim Kadić, Mustafa Pamuk, Haris Silajdžić, Bogić Bogićević, Zlatko Lagumdžija, Suada Muminagić, Sejfudin Tokić i Abdurahman Malkić.

PROTIV su glasali: Ivica Pašalić, Anita Mikulić, Mirko Baković, Miodrag Deretić, Milenka Bošnjak, Branko Dokić, Branislava Jovanović, Vito Rakić, Mirko Banjac, Mara Perkanović, Desanka Rađević i Nikola Špirić.

UZDRŽANI su bili poslanici: Alma Čolo, Hilmo Neimarlija i Smail Bećirbašić.

Predsjedavajući je konstatovao da je ZA Nacrt zakona glasalo 12, a protiv 11 poslanika. Tri poslanika su bili uzdržani. Prema tome, nijedan nacrt izbornog zakona nije dobio većinu da bi mogao poslužiti kao osnova za izrdu prijedloga zakona.

Ovim je završen rad drugog dijela 16. sjednice.

Treći dio 16. sjednice održan je 31.01 – 01.02. 2000.godine. Prvom danu trećeg dijela sjednice prisustvovalo je 30 poslanika - 19 iz FBiH, 11 iz RS. Odsustvovali su Ivo Mijačević i Anita Mikulić zbog bolesti, Zlatko Lagumdžija, Ljubomir Zovko, i Ivo Lozančić zbog službenog puta, Milenka Bošnjak zbog spriječenosti, a Edhem Bičakčić, Safet Oručević, Munira Karić i Rdenka Balta bez najave razloga izostanka.

Drugog dana rada – 01.02. dsustvo su opravdali Branko Dokić, Miodrag Deretić i Raifa Alagić. Poslanik Radenka Balta prisustvovala je sjednici 1.02.

Sjednica je počela rad sa 7. tačkom dnevnog reda.

Ad . 7: Informacija o provedbi Zakona o carinskoj politici i tarifi za period 1.1. do 1.12.1999.

U vezi sa Informacijom diskutovali su poslanici Raifa Alagić, Suada Muminagić, Nikola Špirić i Vito Rakić. Poslije diskusije Dom je jednoglasno prihvatio informaciju, uz sljedeći zaključak:

Predstavnički dom Parlamentarne skupštine BiH primio je k znanju Informaciju o sprovođenju Zkaona o carinskoj politici i tarifi za period 01.01. do 01.12. 1999. godine i predlaže da Vijeće ministara u daljem postupku na sprovođenju Zakona o carinskoj politici koristi primjedbe, sugestije i prijedloge poslanika, u skladu sa svojim ovlaštenjima u ovoj oblasti.

Magnetofonski snimak i pisane materijale u vezi s ovom tačkom dnevnog reda Sekretarijat Parlamentarne skupštine će dostviti Vijeću ministara.

Ad – 8: Prijedlog odluke o organizaciji Sekretarijata Parlamentarne skupštine Bosne i Hercegovine

Predsjedavajući Mirko Banjac dao je uvodne napomene.

Gospodin Halid Genjac je podnio amandman koji je usaglašen na sjednici Koligija, a kojim se mijenja stav 5. tačke 4. Prijedloga odluke o organizaciji Sekretarijata.

Diskutovali su: Nikola Špirić, Mirko Banjac, Suada Muminagić i Nedžad Branković.

Odluka o organizaciji Sekretarijata usvojena je jednoglasno, sa amandmanom gospodina Genjca u kojem je izvršena korekcija koju je predložio g. Nikola Špirić.

Ad – 9: Nacrt poslovnika Predstavničkog doma

Uvodne napomene dao je predsjedavajući Mirko Banjac.

U diskusiji su učestvovali: Suada Muminagić, Alma Čolo, Mirko Banjac, Ibrahim Spahić, Mara Perkanović, Vito Rakić, Miodrag Deretić, Desanka Rađević, Branko Dokić, Nikola Špirić, Branislava Jovanović, Sejfudin Tokić i Ana Havel.

Poslije diskusije Predstavnički dom je usvojio Nacrt poslovnika, uz zaključak da predlagač razmotri sve primjedbe i sugestije poslanika iznesene u diskusiji o Nacrtu i na osnovu njih i Nacrta izrdu prijedlog poslovnika Predstavničkog doma.

Za Nacrt sa zaključkom glasalo je 25 poslanika, a 2 su se uzdržali.

Ad – 10: Prijedlog zakona o javnim ispravama

Poslanik Alma Čolo iznijela je stav Komisije o ustavnim i pravnim pitanjima, da postoji ustavni osnov za donošenje ovog zakona.

Gospodin Nudžeim Rečica je u ime predlagača obrazložio razloge za donošenje zakona.

U diskusiji su učestvovali: Desanka Rađević, Nikola Špirić, Miodrag Deretić, Alma Čolo, Sejfidin Tokić, Mara Perkanović, Pero Skopljak i Branko Dokić.

Poslije diskusije predsjedavajući je dao pauzu radi konsultacija, a poslije pauze je konstatovao da je na Prijedlog zakona dato više amandmana o kojima predlagač nije u mogućnosti da se izjasni iz razloga što nije moguće sazvati članove Vijeća ministara. Zato je predložio da se ova tačka dnevnog reda odgodi za 17. sjednicu Predstavničkog doma, a poslanike koji imaju još amandmana pozvao da ih u pisanoj formi dostave Sekretarijatu Parlamentarne skupštine.

Prijedlog predsjedavajućeg je prihvaćen.

Ad – 11: Prijedlog zakona o izmjenama i dopunama Zakona o putnim ispravama (predlagači: S.Tokić i I.Divković)

Poslanik Sejfidin Tokić podnio je obrazloženje Prijedloga zakona. Diskutovali su: Mara Perkanović, Abdurahman Malkić, Desanka Rađević, Branko Dokić, Rasim Kadić, Alma Čolo, Ivo Divković, Nikola Špirić, Tarik Čaršimamović, Sejfidin Tokić, Miodrag Deretić, Ibrahim Spahić, Suada Muminagić i Mirko Banjac.

Poslije rasprave Dom se izjasnio o Prijedlogu zakona. ZA Prijedlog je glasalo 19 poslanika, 10 je glasalo protiv, a 2 su se uzdržali. Prilikom glasanja po entitetima iz FBiH glasalo je 17, a iz RS 2 poslanika.

Predsjedavajući je konstatovao da je Prijedlog zakona dobio većinu prisutnih, ali da nije dobio entitetsku većinu iz Republike Srpske i da isti ide na usaglašavanje.

Ad – 12: Zakon o Savjetu ministara:

- a) Prijedlog zakona o Vijeću ministara (predlagači: S.Tokić i I.Divković)
- b) Prijedlog zakona o izmjenama i dopunama Zakona o Svjetu ministra (predlagač: Vito Rakić)

Poslanik Ivo Divković podnio je uvodno izlaganje o Prijedlogu zakona pod podtačkom a). U diskusiji su učestvovali: Alma Čolo, Mirko Banjac, Ibrahim Spahić, Sejfidin Tokić, Adnan Jahić i Ivo Divković.

Poslije diskusije obavljeno je glasanje.

ZA prijedlog zakona glasalo je 9, protiv niko, a 14 poslanika se uzdržalo. Predsjedavajući je konstatovao da Prijedlog zakona predlagača poslanika S.Tokića i I.Divkovića nije dobio većinu prisutnih poslanika.

Poslanik Vito Rakić podnio je obrazloženje Prijedloga zakona o izmjenama i dopunama Zakona o Vijeću ministara – podtačka b). U diskusiji su učestvovali Sejfidin Tokić, Vito Rakić i Ibrahim Spahić. Gospodin Tokić je podnio amandman na čl. 3. Prijedloga zakona koji je, nakon usaglašavanja, prihvaćen od strane predlagača.

Predsjedavajući je dao na glasanje Prijedlog zakona sa amandmanom g. Tokića.

ZA je glasalo 16 od 26 prisutnih poslanika, protiv nije glasao niko, a 10 poslanika se uzdržalo.

Glasajući po entitetima, iz RS je glasalo 8, a iz FBiH takođe 8. Predsjedavajući je konstatovao da Prijedlog zakona nije dobio entitetsku većinu iz Federacije BiH i da isti ide na usaglašavanje.

Ad – 13: Zakon o praznicima i blagdanima BiH

- a) Nacrt zakona o praznicima BiH (predlagači: S.Tokić-I.Divković)
- b) Nacrt zakona o praznicima i blagdanima (Predlagač SM)

Sejfudin Tokić je obrazložio Nacrt zakona pod podtačkom a), a u diskusiji su učestvovali: Ibrahim Spahić, Rasim Kadić, Desanka Rađević, Nikola Špirić, Kasim Trnka u ime Predsjedništva BiH, Abdurahman Malkić, Ivo Divković, Mara Perkanović, Vito Rakić, Sejfudin Tokić, Mirko Banjac i Branislava Jovanović.

Poslije diskusije i više replika obavljeno je glasanje o Nacrtu zakona, uz zaključak da se primjedbe, prijedlozi i sugestije iz rasprave koriste pri izradi prijedloga zakona.

ZA Nacrt je glasalo 17 od 25 prisutnih poslanika. Osam poslanika se uzdržalo od glasanja

Glasajući po entitetima, iz FBiH glasalo je 11, a iz RS 6 poslanika.

Predsjedavajući je konstatovao da je Nacrt zakona o praznicima BiH predlagača S. Tokić i I.Divkovića, sa zaključkom dobio podršku Doma.

Obrazloženje Nacrta zakona o praznicima i blagdanima (podtačka b)) podnio je g. Nudžeim Rečica, zamjenik ministra za civilne poslove i komunikacije.

U diskusiji su učestvovali: Hilmo Neimarlija, Nikola Špirić, Adnan Jahić, Sejfudin Tokić, Pero Skopljak, Nikola Špirić, Ivo Divković i Mara Perkanović. U ime Svjeta ministara govorio je potpredsjednik Neven Tomić, a potom je predsjedavajući Nacrt zakona dao na izjašnjavaње, uz pitanje – Ko je za to da Nacr, uz primjedbe, prijedloge i sugestije, ide u izradu prijedloga zakona.

ZA je glasalo 14 poslanika, a 12 se uzdržalo. Po entitetima, iz FBiH glasalo je 10, a iz RS 4 poslanika.

Predsjedavajući je konstatovao da Nacrt zakona nije dobio entitetsku većinu iz RS i da ide na usaglašavanje.

Ad - 14: Nacrt zakona o postpusku zaključivanja i izvršavanja međunarodnih ugovora

U ovom dijelu sjednice predsjedavao je mr Pero Skopljak, prvi zamjenik predsjedavajućeg.

Povodom ove tačke dnevnog reda diskutovali su Ivo Divković i Nikola Špirić.

Poslije diskusije Predstavnički dom je jednoglasno (sa 22 poslanika) usvojio Ncrt zakona uz zaključak da se primjedbe, prijedlozi i sugestije poslanika koriste pri izradi Prijedloga zakona.

Ad – 15: Odgovori na poslanička pitanja i pitanja poslanika.

Predsjedavajući je konstatovao da nema pristiglih odgovora na poslanička pitanja. Poslanička pitanja postavili su:

Nikola Špirić:

Da li je ili nije validan poslanički mandat g. Ibrahima Đedovića, kome je mandat u Predstavničkom domu verifikovan, i zašto jedna politička opcija koja je na izborima dobila poslanika, nema političko pravo da brani svoje stavove u ovom Parlamentu? (Pitanje uputio predsjedavajućem Predstavničkog doma i OSCE-u)

Ibrahim Spahić

1. Zatražio informaciju od Predsjedništva BiH da Domu dostavi informaciju o tome koju ulogu ima BiH kao domaćin jednog od radnih stolova Pakta za stabilnost u Jugoistočnoj Evropi i u kojim projektima, u okviru tri radna stola, BiH učestvuje (bezbjednost, ekonomija, ljudska prava i slobode)?

2. Ponovo podsjetio na obavezu Vijeća ministara da Parlamentu dostavi Ekonomsku strategiju i socijalnu politiku Bosne i Hercegovine.

Abdurahman Malkić:

Zatražio da Predstavnički dom i druge institucije zauzmu stav o provokacijama nekih poslanika prema drugim poslanicima.

Vito Rakić i Nikola Špirić postavili pitanje neobjavljivanja Odluke o statusu i položaju izbjeglih u Bosnu i Hercegovinu u "Službenom glasniku BiH", koju je Predstavnički dom usvojio 01.12.1999.godine, izrazivši pretpostavku da je objavljivanje spriječio neko kome se Odluka ne "uklapa u program njegove političke stranke".

Suada Muminagić dostavila je u pisanoj formi sljedeća pitanja:

1. Da li je Vlada Finske odobrila donaciju Vijeću ministara BiH, odnosno BiH kao državi?
2. Koliki je iznos donacije za koji period i za koje namjene je usmjerena?
3. Ko je ovlašten za implementiranje ove donacije?
4. Ko ima pravo da koristi sredstva donacije i po kojim kriterijima?
5. Da li su kriteriji javno objavljeni, ili na drugi način dostupni potencijalnim korisnicima?
6. Ko će vršiti nadzor nad korištenjem sredstava ove donacije, odnosno njihovoj svrsishodnoj upotrebi?

Sastavni dio ovog zapisnika je magnetofonski snimak 16. sjednice Predstavničkog doma .

PREDSJEDAVAJUĆI
PREDSTAVNIČKOG DOMA
mr. Mirko Banjac